


**LIBAT URUS
BERSAMA PIHAK
BERKEPENTINGAN
DAN INISIATIF
PEMBANGUNAN
KAPASITI**

LIBAT URUS BERSAMA PIHAK BERKEPENTINGAN DAN INISIATIF PEMBANGUNAN KAPASITI

LIBAT URUS DAN PERBINCANGAN MENGENAI KUALITI AUDIT

AOB memberi penekanan kepada libat urus yang kerap dan disasarkan dengan pihak berkepentingan utama, yang merangkumi juruaudit, penyedia penyata kewangan, jawatankuasa audit dan rakan pengawal selia. Libat urus ini bermanfaat bagi memastikan keperluan dan kebimbangan pihak berkepentingan diterjemahkan ke dalam bidang tumpuan AOB.

PEMBANGUNAN KAPASITI DAN USAHA KOLABORASI AOB PADA 2024



KONSISTENSI GLOBAL DAN SERANTAU DALAM PEMANTAUAN AUDIT

AOB terlibat secara aktif dalam usaha global dan serantau untuk meningkatkan kualiti audit melalui keahliannya dengan Forum Pengawal Selia Audit Bebas Antarabangsa (IFIAR) dan Kumpulan Pengawal Selia Audit ASEAN (AARG). Mesyuarat pleno dan bengkel yang diadakan setiap tahun menyediakan platform untuk perkongsian bersama mengenai isu-isu kawal selia yang muncul, cabaran yang dihadapi oleh profesion audit, pendekatan strategik terhadap kualiti audit yang mampan dan amalan terbaik kawal selia, termasuk perkembangan dalam teknik pemeriksaan dan penemuan lazim yang diperhatikan. Ia juga berfungsi sebagai platform bagi pengawal selia untuk melibatkan diri dengan kepimpinan global dan serantau enam firma Jawatankuasa Dasar Awam Global (GPPC) untuk membincangkan perkara berkaitan isu-isu dan inisiatif kualiti audit.

Selanjutnya, melalui keahliannya dalam Kumpulan Kerja Pelabur dan Pihak Berkepentingan Lain (IOSWG) IFIAR, AOB terus memanfaatkan pengalaman dan pengetahuan daripada bidang kuasa lain mengenai perkara yang berkaitan dengan perlindungan pelabur dan jangkaan terhadap kualiti audit.

BENKEL AARG DAN KUMPULAN PEMANTAUAN PENYATA KEWANGAN (FSSG) 2024

AOB dan Jabatan Pengawasan Korporat SC bersama-sama menganjurkan Bengkel AARG-FSSG dari 27 hingga 29 Ogos 2024 di SC.

Bengkel ini bertindak sebagai platform kerjasama dan perkongsian pengetahuan antara ahli ASEAN IFIAR. Pengawal selia audit bukan AARG dari Hong Kong dan India juga dijemput untuk berkongsi kemas kini kawal selia dan pengalaman mereka.

Semasa bengkel selama tiga hari itu, perbincangan mendalam telah diadakan mengenai isu pengawalseliaan utama menggunakan kajian kes dari bidang kuasa masing-masing untuk mengenal pasti amalan dan inisiatif terbaik. Bidang tumpuan termasuk—

- konsistensi dalam pelaporan kewangan,
- pembangunan dan inovasi dalam aktiviti pemeriksaan dan pengawasan,
- pelaksanaan ISQM baharu dan pendekatan untuk semakan, dan
- strategi penguatkuasaan dan usaha untuk memacu penguatkuasaan kawal selia audit yang berkesan.

AARG juga mengadakan perbincangan dengan kepimpinan serantau rangkaian global firma audit.



AARG merupakan satu kumpulan pengawal selia audit dari rantau ini, iaitu AOB, Pusat Pembinaan Profesi Keuangan Indonesia (PPK Indonesia), Pihak Berkuasa Kawal Selia Perakaunan dan Korporat bagi Singapura (ACRA Singapore), Suruhanjaya dan Bursa Thailand (SEC Thailand) dan Suruhanjaya dan Bursa Filipina (SEC Philippines).

AOB terus mengambil bahagian dalam acara dan libat urus yang berkaitan untuk berkongsi pandangannya dan menggalakkan amalan untuk mempertingkatkan kualiti amalan pelaporan kewangan dan kebolehpercayaan penyata kewangan teraudit PIE dan kumpulan wang jadual.



IFIAR ialah forum global bagi pengawal selia audit bebas untuk bekerjasama dan berkongsi pengetahuan dan pengalaman, dengan tumpuan kepada pemeriksaan juruaudit dan firma audit, ke arah menggalakkan konsistensi dalam aktiviti kawal selia audit di peringkat global. Hari ini, IFIAR mempunyai 56 ahli pengawal selia dari Afrika, Amerika Utara dan Selatan, Asia Pasifik, Eropah dan Timur Tengah.



Bengkel Pemeriksaan ke-18 IFIAR

Dianjurkan oleh Pihak Berkuasa Pengauditan & Perakaunan Ireland (IAASA), bengkel itu diadakan di Dublin dari 5 hingga 7 Mac 2024 dan dihadiri oleh lebih 150 peserta merentasi 46 bidang kuasa. Pegawai Pemeriksaan AOB membentangkan topik 'Membina Semula Pendekatan Pemeriksaan Pengawal Selia / Perubahan dalam Model Penyeliaan', berkongsi pandangan tentang perubahan semasa dan inisiatif masa depan mengenai pendekatan pemeriksaannya. Topik lain yang diliputi termasuk—

- instrumen dan teknik berautomasi yang diguna pakai dalam audit;
- pemeriksaan ke atas Penyemak Kualiti Tugasan (EQR);
- pemeriksaan ke atas audit bank dan insurans; and
- pemeriksaan awal pelaksanaan ISQM 1.



Mesyuarat Pleno IFIAR 2024

Mesyuarat pleno itu diadakan di Osaka, Jepun dari 16 hingga 18 April 2024 dan dihadiri oleh ahli IFIAR, pemerhati, pelabur dan pihak berkepentingan utama lain dari 48 bidang kuasa ahli IFIAR. Wakil-wakil penetap piawai turut hadir. Perbincangan tertumpu kepada perkembangan utama dan trend baru muncul dalam industri audit, termasuk—

- cabaran dalam mengatasi jurang jangkaan baharu dalam jaminan kemampuan;
- perubahan dalam audit yang timbul daripada penggunaan teknologi, khususnya penggunaan kecerdasan buatan (AI) dan AI generatif, dan
- perkembangan dalam tadbir urus firma audit dalam pelbagai bidang kuasa.



Webinar Pasukan Petugas & Kumpulan Kerja IFIAR

Sebagai tambahan kepada bengkel pemeriksaan, IFIAR mengadakan sesi webinar sepanjang tahun membincangkan isu-isu baru muncul dan perkembangan berterusan dalam bidang audit dan pemeriksaan, termasuk—

- pemeriksaan audit berkaitan kripto;
- menyediakan Pemantauan Pelaporan Jaminan Kemampuan; dan
- pengenalan kepada AI dalam audit dan pemantauan.

MENGALAKKAN PENGAWASAN BERKESAN JURUAUDIT DAN PROSES AUDIT

Jawatankuasa Audit (AC) memainkan peranan penting dalam menggalakkan pengauditan berkualiti tinggi melalui pengawasan mereka terhadap proses audit dan juruaudit. Setiap tahun, AOB berhubung dengan AC PLC melalui Perbincangan AOB dengan Jawatankuasa Audit untuk berkongsi aktiviti pengawasan dan pemerhatian AOB terhadap kualiti audit. Di samping itu, sesi ini juga merangkumi perkembangan terkini dalam ekosistem pelaporan kewangan.

Pada tahun 2024, perbincangan tertumpu kepada perkembangan terkini mengenai pelaporan kemampunan dan jaminan kemampunan. Penceramah, daripada PricewaterhouseCoopers PLT memberikan gambaran keseluruhan tentang keperluan *Rangka Kerja Pelaporan Kelestarian Kebangsaan (NSRF)* untuk membantu PLC menyediakan laporan kemampunan mereka dengan lebih baik menurut *Piawain Pendedahan Kemampunan IFRS*. Terdapat juga perkongsian tentang beberapa langkah praktikal yang boleh dimanfaatkan oleh organisasi ketika mereka memulakan perjalanan pelaporan kemampunan mereka. Langkah-langkah ini antara lain, termasuk mengenal pasti risiko dan peluang berkaitan kemampunan dan maklumat berkaitan untuk pendedahan, menilai maklumat penting untuk pendedahan dan dikemas kini tentang perubahan dalam perundangan, peraturan dan garis panduan.

AOB akan terus terlibat dengan AC PLC bagi memastikan mereka dimaklumkan dan sentiasa dikemas kini tentang perkembangan kerana pengawasan berkesan oleh AC yang berpengetahuan adalah penting untuk meningkatkan kualiti audit.



Sesi diadakan pada
19 November 2024



Dihadiri oleh 278 AC
daripada 249 PLC



LIBAT URUS BERSAMA KEPIMPINAN FIRMA AUDIT

Pada tahun 2024, Perbincangan AOB dengan Firma Audit merangkumi Firma Audit Utama dan Firma Audit Lain.. Libat urus berterusan bersama kepimpinan firma audit berdaftar ini membolehkan AOB memastikan kualiti audit kekal diberi keutamaan.

Perbincangan secara bersemuka membolehkan perkongsian terbuka pandangan dan cabaran yang dihadapi oleh juruaudit. Ia juga membolehkan AOB membuat keputusan sekiranya sebarang campur tangan kawal selia diperlukan dan menilai semula bidang keutamaannya.

Pengerusi SC, Dato' Mohammad Faiz Azmi berkongsi pandangannya tentang pelaporan kemampunan dan keperluan terhadap jaminan kemampunan untuk meningkatkan kebolehpercayaan maklumat kemampunan. Profesion dimaklumkan untuk mengkaji pembangunan kapasiti dan mengembangkan kapasiti mereka dalam bidang kemampunan.

AOB berkongsi penemuan penting dan pemerhatian terhadap firma dan semakan tugas ketika pemeriksaan tahunan firma audit dan juruaudit. Di samping itu, terdapat juga perkongsian mengenai petunjuk kualiti audit utama untuk membangunkan dan menyokong bakat audit.



Perbincangan AOB bersama Firma Audit Utama dan Firma Audit Lain diadakan pada Julai 2024



Dihadiri oleh 81 juruaudit kanan daripada kepimpinan firma

USAHA PEMBANGUNAN KAPASITI DAN KOLABORASI

Hasil yang diinginkan daripada aktiviti pengawasan audit AOB adalah agar firma audit menyampaikan kualiti audit yang konsisten melalui pembangunan kapasiti berterusan dan rangka kerja kualiti audit yang berkesan. Inisiatif pembangunan kapasiti untuk profesion telah menjadi bidang tumpuan penting bagi AOB. AOB menggunakan wang yang dikutip daripada penalti yang dikenakan untuk memudahcarakan inisiatif pembangunan kapasiti bagi profesion perakaunan dan pengauditan. Walaupun AOB menggunakan tindakan penguatkuasaannya untuk mengingatkan juruaudit tentang kepentingan menegakkan kualiti audit, AOB juga menyedari cabaran yang dihadapi oleh firma audit berhubung pembangunan kapasiti.

MEMBANGUN KAPASITI JURUAUDIT BERDAFTAR AOB MELALUI KOLABORASI DENGAN INSTITUT AKAUNTAN AWAM BERTAULIAH MALAYSIA

Pada tahun 2024, satu siri bengkel telah dianjurkan untuk juruaudit berdaftar AOB untuk menangani penemuan lazim AOB yang diperhatikan ketika pemeriksaan firma audit dan tugas audit.

Menyedari cabaran yang dihadapi oleh profesion audit berhubung pembangunan kapasiti, siri bengkel ini bertujuan untuk mengukuhkan kualiti audit dan meneruskan usaha untuk melahirkan akauntan profesional yang cekap yang menjaga kepentingan awam dan mempertahankan reputasi profesion.

Bengkel ini telah dikendalikan oleh wakil-wakil Firma audit utama dan meliputi penemuan pemeriksaan lazim utama seperti pensampelan audit, anggaran perakaunan, audit kumpulan dan analisis punca utama. Kelebihan bengkel ini adalah kerana bukan sahaja tertumpu kepada pengetahuan teknikal dan juga reka bentuk kajian kes praktikal e untuk memacu pelaksanaan piawaian pengauditan dan perakaunan.

Terdapat juga sesi libat urus yang dirangka untuk memberi manfaat kepada akauntan profesional bertajuk 'Mempercepat Kecemerlangan Pelaporan Kewangan Anda'. Sesi ini bertujuan untuk berkongsi pandangan tentang penemuan yang dikenal pasti oleh Jawatankuasa Semakan Penyata Kewangan (FSRC) MICPA susulan semakan keperluan pendedahan penyata kewangan PLCterpilih di Malaysia.

Pandangan yang dikongsi ketika sesi tersebut oleh FSRC adalah bertujuan untuk meningkatkan dan menggalakkan pelaporan kewangan berkualiti tinggi. Sesi ini juga berkongsi pandangan tentang MFRS 18 'Pembentangan dan Pendedahan dalam Penyata Kewangan' yang akan berkuat kuasa pada 1 Januari, 2027.



Lima sesi diadakan antara Mei hingga Disember 2024



Dihadiri oleh 176 juruaudit dan kakitangan audit

PEMBANGUNAN KAPASITI ATAS PELAPORAN KEMAMPANAN

Didorong oleh permintaan pelabur terhadap maklumat kemampanan yang konsisten dan boleh dipercayai, NSRF telah dilancarkan pada September 2024. NSRF menunjukan penggunaan *Piawaian Pendedahan Kemampanan IFRS* yang dikeluarkan oleh Lembaga Piawaian Kemampanan Antarabangsa (ISSB) dan keperluan jaminan untuk pelaporan kemampanan.

NSRF mengguna pakai pendekatan pelaksanaan berperingkat dan pembangunan ke atas syarikat-syarikat di Malaysia. Penerbit tersenarai pasaran utama dengan permodalan pasaran sebanyak RM2 bilion dan ke atas (Kumpulan 1) akan dikehendaki menggunakan piawaian ISSB dalam pelaporan kemampanan mereka untuk tempoh pelaporan tahunan bermula pada atau selepas 1 Januari 2025 dan diikuti oleh penerbit tersenarai pasaran utama lain pada 2026 dan penerbit tersenarai pasaran ACE serta syarikat-syarikat besar tidak tersenarai pada 2027.

Jaminan luaran adalah perlu untuk meningkatkan kebolehpercayaan maklumat kemampanan. NSRF menyasarkan untuk memberi mandat jaminan munasabah ke atas pelepasan Gas Rumah Hijau (GHG) Skop 1 dan Skop 2 untuk Kumpulan 1 bermula dari tempoh pelaporan tahunan bermula pada atau selepas 1 Januari 2027 dan diikuti oleh penerbit tersenarai pasaran utama lain pada tahun 2028 dan penerbit tersenarai pasaran ACE serta syarikat besar tidak tersenarai pada tahun 2029. Ini adalah untuk menyediakan pelabur dengan tahap kepercayaan dan keyakinan yang sama seperti penyata kewangan teraudit.

Profesion perakaunan, yang pernah bertanggungjawab terutamanya untuk pelaporan kewangan, dijangka mengembangkan kapasiti mereka untuk menyokong amalan kemampanan syarikat dan menyediakan perkhidmatan jaminan mengenai maklumat kemampanan.

Memandangkan keperluan sumber yang mendesak dalam ekosistem kemampanan, PACE (Dasar, Andaian, Kalkulator dan Pendidikan) telah ditubuhkan sebagai hab sokongan pelaksanaan NSRF. Tugas utamanya adalah untuk menjalankan program pembangunan kapasiti berkaitan NSRF bagi penyedia, akauntan dan pengarah, menyediakan bahan pendidikan, panduan am dan kit alat.



Program Pensijilan Profesional Inisiatif Pelaporan Global (GRI)

Memandangkan 77%¹ daripada syarikat yang melaporkan tentang alam sekitar, sosial dan tadbir urus (ESG) telah sama ada menggunakan atau membuat rujukan kepada piawaian GRI pada tahun 2022 dan bagi membolehkan penggunaan rangka kerja pelaporan pelengkap lain, PACE telah mengenal pasti Program Pensijilan Profesional GRI sebagai salah satu program penting untuk meningkatkan kemahiran kemampanan akauntan.

Sebagai ahli Jawatankuasa Penasihat Pelaporan Kemampanan (ACSR) dan untuk menyokong inisiatif pembinaan kapasiti PACE, AOB telah memberi subsidi yang besar kepada 100 akauntan daripada firma audit berdaftar AOB untuk Program Pensijilan Profesional GRI. Program Pensijilan Profesional GRI telah dijalankan oleh Pusat Perkembangan Industri Sekuriti (SIDC) pada Oktober 2024. Para akauntan telah melalui semua Modul Pensijilan Profesional GRI untuk melengkapkan mereka dengan kecekapan yang diperlukan untuk menilai, mengesahkan dan memberi jaminan tentang pendedahan kemampanan.

Untuk membolehkan penyedia menggunakan piawaian GRI dan piawaian ISSB dengan lancar dalam pelaporan kemampanan mereka, Modul Kebolehoerasian ISSB-GRI telah dibangunkan pada suku keempat 2024. Modul kebolehoerasian akan menunjukkan bagaimana proses dan keperluan pelaporan yang mematuhi GRI boleh digunakan untuk mematuhi keperluan piawaian ISSB. Bengkel mengenai modul kebolehoerasian akan dijalankan pada suku pertama 2025.



¹ IFAC *The State of Play: Sustainability Disclosure and Assurance, 2019 – 2022 Trends & Analysis*.

